



UNIVERSITÄTS-  
BIBLIOTHEK  
PADERBORN

**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
propriarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel**

**Francofurti Ad Moenum, 1690**

Capvt XXXVIII. (a) Idem.

---

[urn:nbn:de:hbz:466:1-74526](https://nbn-resolving.org/urn:nbn:de:hbz:466:1-74526)

lib. 2. polit. cap. 4. ita docuerunt plures congesti à Barbolo de Canonis cap. 132. & voto 93. D. Joan. de Larrea decis. 41. Contrariam tamen sententiam, immò nobiles cooptandos esse in Magistratus, sive Ecclesiasticos, sive sæculares, plures docuerunt, quos noviter sequuntur Junius tom. 1. polit. cap. 10. Cælestius lib. 2. mystag. cap. 4. Kochier lib. 5. polit. cap. 2. Rouffellus lib. 2. histor. Pontif. jurud. cap. 5. num. 19. Bobadilla lib. 1. polit. cap. 4. Angelus & Stephanus Garonius de Senatoribus lib. 1. tit. 4. cap. 2. pro quibus faciunt Halicarnasseus lib. 2. ibi: *Tunc Athenensium Republica florebat, quando Patricios, penes quos fuit civitatis regimen, ex illustribus familiis delibebant.* Facit illud Deuteron. capita 7. *Talis de tribubus vestris viros sapientes, & nobiles: constituit eos principes, tribunos, & centuriones, & quinquagenarios, ac decanos.* Fulcitur etiam hæc prælatio nobilium ex l. honor. 14. §. de honoribus, ff. de numer. & honor. l. honores, §. is qui, ff. de Decurion. l. 1. C. de condit. in publicis horreis, lib. 10. l. ad subenda 45. C. de Decur. eodem libro. Ex pluribus plura congerit pro hac sententia D. Ioannes de Larrea decis. 41. Accedit etiam, quod humili loco orti & erecti impudenter se gerunt, pristinae suæ conditionis immemores. Claudianus lib. 1. in Eutropium,

*Asperum nihil est humili cuncto surgit in altum;*

*Cuncta ferit, dum cuncta timet, deservit in omnes,*

*Ut se posse putet, nec bellua terror ulla est,*

*Quam servit rabies in libera colla furentis:*

*Agnoscat gemitus, & pœna parcere nescit,*

*Quam subit; dominique memor, quem verberat, odit.*

Quare nonnulli Carolum Magnum, & Ludovicum filium non leviter perstringunt, quod obscuros & nullius nominis homines ad lummos Ecclesiasticos honores evehebant, ut referunt Theganus in vita Ludovici Pii, cap. 20. Filescus in querel. Eccl. Gallic. licet eos ob temporis conditionem excuset Turtureus in sacello sacro, cap. 5. Sed hæc omnia utriusque sententiæ fundamenta, non tam contraria sunt, quam diverta; ita enim possunt accipi, ut eligantur ad officia, seu munera publica illi, quos virtus, quos genus præcipuè reddunt commendabiles. Virtus primum, & præcipuum fundamentum est, nam qui probatæ vitæ sunt, ceteros antecedunt, l. 6. C. ad leg. Juliam repeund. l. 1. in fine, C. de offic. Magistr. milit. Genus autem ut postremum quærat; & si pariter virtutibus pollent nobilis, & plebejus, eligatur nobilis; si autem differunt, quia alter nobilitate clarescit, alter virtutibus & litteris floret, iste eligatur omisso nobili, ut latius prosequuntur Bobadilla dicto cap. 4. Larrea ubi supra.

## CAPVT XXXVIII.

(a) Idem.

Cum olim (b) Priori Sanctæ M. dederimus in mandatis, ut Gu. Diacono in aliqua Ecclesia civitatis, vel diœc. Luc. auctoritate Apostolicâ provideret, idem præfatum Gu. Ecclesiæ sancti Petri de Vico Rectorem, auctoritate hujusmodi nîsus est designare, in qua Rector ab ejusdem Ecclesiæ clericis eligi consuevit, excommunicationis sententiam nihilominus proferens in rebelles. Cum igitur mandatum hujusmodi se ad talia non extendat, nec ad Rectoriam, vel (c) Dignitatē nostrā feratur intentio, cum pro simplici beneficio nostrā manat; mandamus quatenus, tam institutionem hujusmodi, quam excommunicationis sententiam propter hoc latam denunciare non tenere.

### NOTÆ.

(a) Dem.] Gregorius videlicet IX. Et licet non constet, cui rescribat, credi potest rescribere Episcopo Lucensi Marco Guercio dicto, qui à Gregorio IX. electus & consecratus fuit anno 1236, ut refert Vighellius tom. 1. Italicæ sacræ, in Ecclesiâ Lucensi, num. 63.

(b) Priori.] Non autem similes litteras monitorias, vel executorias direxerat Episcopo Lucensi, quia his temporibus Lucensis populus in Romanam Ecclesiam, & Lucensem Episcopum nonnulla perpetraverat: quare Gregorius IX. vinculo excommunicationis eum innodavit, civitatem Episcopali dignitate privavit, remotoque Opizone Episcopo, vices suas commisit Florentino Episcopo, ut refert Vighellius ubi supra, num. 62.

(c) Rectoriam, vel dignitatem.] Conlonat textus in cap. 4. hoc tit. in 6. cum litteræ hujusmodi

expectativæ sint odiosæ, cum per eas juri ordinariorum collatorum derogetur, idè non sunt ampliandæ, sed restringendæ. Unde dubium est, utrum in hujusmodi mandatis de providendo beneficio comprehendantur præbendæ Ecclesiæ Cathedralis? Et comprehendi ex cap. pro illorum 22. hoc tit. cap. in 32. de verb. sign. docuerunt plures congesti à Garcia de benefic. l. p. cap. 6. num. 54. Sed rectius ex ratione supra allata contrarium tenuerunt Corrafinus de sacerdot. 1. p. cap. 5. num. 5. Quintanadvennas lib. 1. Eccles. cap. 3. num. 14. Cæsar de Eccles. hierarch. disp. 12. num. 39. quæ sententia limitanda est, quando in ipsa Ecclesia non sunt alia beneficia nisi præbendæ; tunc enim ne illusorium reddatur rescriptum, licet simplex sit ut provideatur de beneficio, poterit de præbenda provideri, ex regula textus in cap. in his 30. de privil. docet Suarez de legibus lib. 8. cap. 28. à num. 2.

D. D. Gonzal. in Decretal. Tom. III. Pars I.

Q 2

TITULUS